

第七冊

卷之七

秩官攷

選舉攷

修志縣志

修武縣志卷七

修武縣知縣馮繼照纂輯

秩官攷

周官冢宰迺施則於都鄙而建其長立其兩設其參陳其殷置其輔注王子弟食采邑者秦廢封建爲郡縣縣設令長以治之漢分萬戶以上爲令減萬戶爲長至宋則差京官曰知縣差選人曰令知縣之名自此始修武爲上縣一邑之政治皆自令主之其下有丞簿巡尉皆佐令爲治者也設令以來其閒爲名臣入名宦者代不乏人要皆盡心厥職功施當時聲流後世其他循分供職無所短長

者則姓氏雖存亦沒沒無聞已耳嗚呼猶是令也有志者宜何從邪

州郡舊治官

案縣境在後魏有山陽廣寧二郡未久卽廢官屬不傳修武郡則置於獲嘉非治修武攷新舊唐書武德二年置陟州設刺史又設總管府管懷西濟北義陟四州皆治今縣東北濁鹿城四年陟州省入懷州又於獲嘉縣置殷州領修武縣移刺史於殷州總管於懷州計陟州總管刺史才設二年耳官屬無幾史不盡傳今錄官制及名見史傳者以存官府故實

唐初設總管旋改都督其佐有別駕長史司馬各一人屬官錄事參軍事一人錄事二人功曹倉曹戶曹田曹兵曹法曹士曹參軍事各一人參軍事四人上州刺史官屬同諸曹則爲司功司倉司戶司田司兵司法司士

唐

陟州刺史

李育德趙州人祖諤仕隋通州刺史爲名臣世富於財家僮百人天下亂遁私完械甲嬰武陟城自保人多從之遂爲長劇賊來掠不能克隋亡與柳燮等歸李密私署總管密爲王世充所破以郡來

降卽拜陟州刺史兄厚德自賊所逃歸度河復被
執賊使招育德陽許之故兄不死賊帥段大師令
裨校以兵守厚德陰得其驪迺與州人賈慈行謀
逐賊慈行夜登城呼曰唐兵登矣厚德自獄擁羣
囚譟而出斬長史眾不敢動大師縋城走卽拜殷
州刺史厚德省親畱育德以守引兵拔賊河內堡
三十一所世充怒悉銳士攻之城陷猶力戰與三
弟皆歿

節錄新唐書忠義傳

鄭海隴西人陟州刺史曾祖季騶滎陽太守祖

穎宛陵令父子規後周溫州刺史

南祖簡之後見新唐書宰相世

表系

陟州總管府戶曹參軍

高 馮字季輔以字行德州蓀人居母喪以孝聞
兄元道仕隋爲汲令縣人反城應賊殺元道季輔
率其黨與縣人戰禽之斬首以祭賊眾畏伏更歸
附之至數千人俄與武陟李厚德將其眾降授陟
州總管府戶曹參軍貞觀初拜監察御史後官至
中書令進爵蓀縣公加侍中卒贈荊州都督

書本傳

後梁

吳澤鎮遏使

何宗壽檢校國子祭酒兼御史大夫充東北面巡

檢都指揮諸寨兼充吳澤鎮遏使

見開平五年保安寺石幢

宋

錄事

王

璉

見開寶六年百家巖寺畫壁記

金

元好問蕭仲植長史齋詩自注修武作

張顛飲豪傾四座脫

帽狂呼誰敢和南宗北宗知幾人醉眼紛紛飛鳥過是公技進不名技元氣淋漓隨咳唾偶然捉筆本無意自有龍騰并虎臥當時誰有戰國策門外雷車忽驚墜天星無數不知名色正茫寒纔七箇蕭郎家世陵谷後爭信空囊蓄奇貨蕭齋故事今復舉未怕秋風吹屋破護持有物世共喜不獨一時爲子賀藏舟夜壑未厭深隄備有人來倚拖自注長史帖云借戰國策可副之凡七字

金史蕭仲恭傳仲恭祖撻不也遼樞密使父特末

中書令尙主母遼道宗季女也皇統初拜平章政事封濟王詔葬遼豫王於廣寧仲恭請往會葬許之入爲尙書右丞相拜太傅天德二年封越國王又仲宣傳仲恭母弟皇統二年授鎮國上將軍歷順義永定昭義武寧四鎮節度使案蕭氏仕於金者不乏而仲植不見於史以詩內蕭郎家世句度之或亦仲恭仲宣兄弟也其曰長史百官志亦無其號或爲沁南軍職官而詩稱古名耳姑附錄之以備修武故事

縣秩官

案後漢書百官志凡縣萬戶以上爲令令自千石

至六百石其丞尉四百石至三百石攷漢陳蕃爲
修武令則縣固萬戶以上也文獻通攷晉置諸縣
令六百石以上者秩七品宗慈爲修武令則亦萬
戶以上唐修武爲緊縣自畿縣外望緊皆爲上縣
令秩從六品上丞從八品下主簿正九品下尉從
九品上宋史修武爲上縣文獻通攷宋諸州上中
下令丞皆八品舊志所載修武縣令自漢始丞簿
尉皆自唐始驛丞自元始巡檢遞運大使皆所失
載今案縣丞主簿巡檢大使驛丞先後奉裁現惟
知縣典史其教諭訓導卽唐之郡文學元始爲教
諭訓導明制教諭一人訓導二人舊志云後裁一

人其裁之年不可殄

國朝敎諭一人訓導一人康熙三年裁去訓導一人
後復又洪武二年定儒學訓導位雜職上今將敎
諭訓導各依年代先後序名而以縣丞主簿巡檢
大使驛丞等官另列於後亦依次序名

漢

職 洪爲山陽令

見風俗通

後漢

陳 蕃字仲舉汝南平輿人初仕郡舉孝廉除郎
中遭母憂棄官行喪服闋刺史周景辟別駕從事
以諫爭不合投傳而去後公府別舉方正皆不就

太尉李固表薦徵拜議郎再遷爲樂安太守大將軍梁冀威震天下時遣書詣蕃有所請託不得通

使者詐求謁蕃怒笞殺之坐左轉修武令

節錄本傳

宗 慈字孝初南陽安衆人舉孝廉爲修武令時

太守出自權豪多納賄賂慈棄官去後徵拜議郎

節錄黨錮傳

晉

石 崇字季倫渤海南皮人年二十餘爲修武令

有能名人爲散騎郎

節錄本傳

張 輔字世偉南陽西鄂人漢河間相衡之後也

少有幹局初補藍田令不爲豪彊所屈一縣稱之

轉山陽令太尉陳準家僮暴橫輔擊殺之累遷尚

書郎封宜昌亭侯轉御史中丞

節錄本傳

棗據字道彥潁川長社人也美容貌善文辭本

姓棘避仇改焉弱冠爲山陽令有政績卒官冀州

刺史太子中庶子

節錄晉書文苑傳

劉幼彥太康中爲修武令善爲德政仁風惠著

見河

內沐潤寺魏夫人祠碑銘竝孫星衍續古文苑詳方外

王詡字季允瑯琊人夷甫弟也仕至修武令

見世

說新語容止註

後魏

苟祖歡員外散騎侍郎襄威將軍山陽令

見藏梅寺造像

碑碑無年月以散騎為後魏北齊官名
襄威為後魏北周官名知為後魏時令

唐

于名缺

開元八年修武令

見居德寺碑

崔珪博陵人天寶八載以朝散大夫任修武令

事

舊志

祝元珪字文命始平人修武令

新唐書宰相世系表

杜其大中閒為修武令於縣西北二十里開新

河自陸真山下合皇母泉水南流入吳澤陂

新唐書地

理志

宋

楊崇美宣德郎守修武令

見開寶六年百巖寺浮屠功德記

梁 造嘉祐四年任

見百家巖醒酒臺石刻

李 琮字獻甫江寧人神宗時呂公著守開封薦

知修武縣役法初行琮處畫盡理旁近民相率撾

登聞鼓願視以爲則

宋史本傳

張 斐元祐辛未修武令

見畢沅中州金石記魏夫人祠碑宋人題名

李元規字端臣江南人天平軍節度推官知修武

縣事

見紹聖四年勝果寺碑舊志作五年任誤

詹 鎧政和元年任

邢 固曹南人政和五年任

見政和五年百家巖題名

高世襲政和年間任

見政和八年百家巖題名

朱光庭字公掞僊師人嘉祐二年登進士第調萬

年主簿文潞公舉應制科會仁宗升遐罷試丁內
外艱服除爲修武令邑有牧地民久侵冒轉易皆
爲稅籍朝廷遣使按晦加稅總四萬餘石公爭之
得減萬餘石改垣曲令

見伊洛淵源錄。案宋史光庭附見其父景傳光庭

辭父蔭擢第爲萬年主簿是其擢第非由父蔭其爲主簿在登第之初亦非由主簿攝縣也府志謂本傳但言由父蔭擢第調主簿數攝邑云云皆誤

金

金史百官志諸縣令一員從七品

翟中舍天會中任勅建修武廟學

王師韓太和閒任

元

元史百官志上縣秩從六品達魯花赤一員尹一員

蒲察企仁至元十年達魯花赤

郭偉至元二十四年修武尹

溫惠至元二十四年修武尹三載政治多可稱者

劉暉大德八年尹

伯不花大德間達魯花赤有龍洞禱雨記見寺觀

閻珪字用之晉寧人至大二年尹多善政

張志道至大三年尹

孝獲至大四年達魯花赤

喬巨源延祐五年尹

謝失名天歷三年尹

明明史職官志知縣一人正七品

修武縣志 卷七
萬士傑直隸人洪武五年任建公廨修廟學撫綏
得宜士民感服

孫敬叔浙江嘉興人永樂中任以俗尙勁悍迺崇
教化敦禮讓勸農桑民風少變

張 信宣德五年任

崔 謙山西高平人正統十年任

郭應誠四川富順人舉人景泰元年任

修武縣嘉禾記見金

石劉儼新城記見建置

張 謙天順六年任

劉 昭北直永平人成化五年任

府志永樂十二年知縣劉昭

建文廟暨儒學如制疑有誤